



Sabrina Rasom, vicepresidente di NPLD, premia i catalans "Jansky", venjîdours de Suns Europe 2018.

EVENC E LENGAC MENDRES2

Suns Europe 2019: musizisc ladins tolede pert!

Al é dâvert la bandida de concurs per l Festival dles cianties ti lingac de mendranza che sarà a Udin a la fin de november

SUNS Europe é l Festival dles ertes ti lingac de mendranza dl'Europa che se tegnerà a Udin dai 30 de november al prum de dezember.

L festival metù a jì vigni an da Cooperativa Informazione Friulana / Radio Onde Furlane col sostegn finanziâl dl ARLEF (Agenzie Regionâl pe Lenghe Furlane) y dla

Region Autonoma Friûl – Vignesie Julie con la colaborazion de autres realtês publiches y privates, é spartit les sezions dedichedes a la mujiga, a la poeja y ai film.

A Sun Europe pôn tò pert i artisç dles comunanzes linguistiches de mendranza reconosciudes da la "Cherta europeana per i lingac regionai o minoritars".

Per tò pert ala sezion dles cianties mëssen scrive ite dant dai 30 de jujn l formular sun l sit internet www.sunseurope.com.

Sun l sit pon giaté duta la bandida de concurs. Adum con la scheda, mëssen mete dant l curriculum, la ciantia proponuda en format MP3,

l test dla ciantia per ladin y sia traduzion per ingleis en format word, n retrat en bona definizion dl artist/ artista o grop y la permiscion dla privacy per la difujion di materialai manés.

Al vegnirà ametù demé composizions originales che ne fej nia pert di respetifs repertors tradizionai dles regions de origin.

Anter dutes les cianties ruvedes dant dal prum de messel vegniràn selezionés i toc finalisc, che vegniràn enviés a soné sie toch dal vif a Udin ai 30 de november 2019.

Info y contac: www.sunseurope.com.
com-info@sunseurope.com.